

Na osnovu člana 16. stav 4. Zakona o Vladi Zeničko-dobojskog kantona-Prečišćeni tekst („Službene novine Zeničko-dobojskog kantona“, broj: 7/10), na prijedlog Kantonalne direkcije robnih rezervi, Vlada Zeničko-dobojskog kantona, na 55. sjednici, održanoj dana 12.06.2016. godine, d o n o s i

ZAKLJUČAK

I.

Daje se saglasnost na Pravilnik o izmjenama i dopunama Pravilnika o unutrašnjoj organizaciji Kantonalne direkcije robnih rezervi, broj: 17-34-5181/16 od 05.04.2016. godine.

II.

Zadužuje se Kantonalna direkcija robnih rezervi da četiri primjerka Pravilnika iz tačke I. ovog zaključka dostavi Stručnoj službi Vlade radi ovjere saglasnosti, nakon čega će po jedan primjerak biti dostavljen Kantonalnoj direkciji robnih rezervi, Sekretarijatu za zakonodavstvo, Ministarstvu za pravosuđe i upravu, a jedan zadržati Stručna služba Vlade.

III.

Zaključak stupa na snagu danom donošenja.

Broj: 02-_____ /16.

Datum, 12.05.2016. godine

Zenica

PREMIJER

Miralem Galijašević

DOSTAVLJENO:

1x Kantonalna direkcija robnih rezervi,

1x Stručna služba Vlade,

1x Sekretarijat za zakonodavstvo,

1x Ministarstvo za pravosuđe i upravu,

1x a/a.

Na osnovu člana 52. stav 1. tačka 2) Zakona o organizaciji organa uprave u Federaciji Bosne i Hercegovine ("Službene novine Federacije Bosne i Hercegovine", broj: 35/05) i člana 8. stav (1) tačka a) Uredbe o načelima za utvrđivanje unutrašnje organizacije kantonalnih i općinskih organa uprave i upravnih organizacija („Službene novine Zeničko-dobojskog kantona“, broj: 8/06), direktor po ovlaštenju Kantonalne direkcije robnih rezervi Zeničko-dobojskog kantona, a uz prethodnu saglasnost Vlade Zeničko-dobojskog kantona, d o n o s i

P R A V I L N I K
o izmjenama i dopunama Pravilnika o unutrašnjoj organizaciji
Kantonalne direkcije robnih rezervi Zeničko-dobojskog kantona

Član 1.

U Pravilniku o unutrašnjoj organizaciji Kantonalne direkcije robnih rezervi Zeničko-dobojskog kantona, broj: 17-34-2616-2/06. od 18.05.2006. godine i 17-34-3997/13 od 06.03.2013. godine, (u daljem tekstu: Pravilnik), u članu 3. tačka 5. Viši referent za uskladištenje i distribuciju roba, u stavu 2. alineja 1. iza riječi: „trgovačkog“, stavlja se „ , “ i dodaju riječi „ekonomskog, upravnog i tehničkog“, alineja 2. mijenja se i glasi „najmanje deset mjeseci radnog staža poslije završene srednje škole“, iza alineje 4. dodaje se nova alineja, koja glasi: „- položen vozački ispit „B“ kategorije“.

Član 2.

Ovaj Pravilnik stupa na snagu danom davanja saglasnosti na isti od strane Vlade Zeničko-dobojskog kantona.

Broj: 17-34-5181/16.
Zenica, 05.04.2016. godine

DIREKTOR
PO OVLAŠTENJU

Agović Jasmina, dipl.ecc.

Na ovaj Pravilnik data je suglasnost Vlade Zeničko-dobojskog kantona, Zaključkom broj: _____ od __.__.2016. godine.

SEKRETAR

Mirsad Kadić

O b r a z l o ž e n j e

*za donošenje Pravilnika o izmjenama i dopunama Pravilnika o unutrašnjoj organizaciji
Kantonalne direkcije robnih rezervi Zeničko-dobojskog kantona*

PRAVNI OSNOV

Pravni osnov za donošenje Pravilnika o izmjenama i dopunama Pravilnika o unutrašnjoj organizaciji Kantonalne direkcije robnih rezervi sadržan je u članu 52. stavu 1. tačka 2) Zakona o organizaciji organa uprave u Federaciji Bosne i Hercegovine („Službene novine Federacije BiH“, broj: 35/05) i članu 8. stav (1) tačka a) Uredbe o načelima za utvrđivanje unutarnje organizacije kantonalnih i općinskih organa uprave i upravnih organizacija („Službene novine Ze-do kantona“, broj: 8/06.), kojima je propisano da pravilnik o unutrašnjoj organizaciji donosi rukovodilac kantonalnog organa uz saglasnost Vlade Kantona. Istom Uredbom u članu 9. propisano je da su kantonalni organi uprave dužni, zavisno od potrebe, usklađivati svoju unutrašnju organizaciju.

RAZLOZI DONOŠENJA

Namještenica koja je obavljala poslove Referenta za uskladištenje i distribuciju roba u skladištu Direkcije je sa 31.12.2015. godine penzionisana. Za popunu upražnjenog radnog mjesta dobili smo saglasnost Komisije za davanje prethodne saglasnosti za popunu upražnjenih radnih mjesta u kantonalnim organima uprave i ostalim organima /ustanovama koji se u cijelosti ili djelimično finansiraju iz budžeta Zeničko- dobojskog kantona Odluka broj: 02-34-20556-4/15. od 29.02.2016. godine. S obzirom da se radi o radnom mjestu koje je predviđeno u Pravilniku o unutrašnjoj organizaciji i sistematizaciji radnih mjesta Kantonalne direkcije robnih rezervi i poslovima u okviru redovne djelatnosti uprave, izvršiti smo izmjene kako je navedeno radi popune navedenog mjesta.

.

FINANSIJSKI EFEKTI

Predloženi Pravilnik o izmjenama i dopunama Pravilnika o unutrašnjoj organizaciji Kantonalne direkcije robnih rezervi u odnosu na važeći Pravilnik neće proizvesti povećanje dodatnih budžetskih sredstava.

**DIREKTOR
PO OVLAŠTENJU**

Agović Jasemina, dipl.ecc.